



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 8

Yangia anidakangma :

f Tir Yimiyim

ig tiryimiyim@aolima

yt tir yimiyim

TAPAK 7

Marathon World record bena alisang Kelvin Kiptum süogo

Israel-i Rafah amakdang nisung aika asü, pua alir ana chiok



VOL. XXI ISSUE NO. 121 (ADOK 121) DIMAPUR SANGTENNÜ (TUESDAY) TSÜKLAI (FEBRUARY) 13, 2024 ₹ 5.00

Dimapur nungi NLTP Act agientsü rongshir

Dimapur, February 12, 2024 (Agencies): Nagaland Liquor Total Prohibition (NLTP) Act 1989 nung Dimapur district medendaktsüsü atema Dimapur nung civil society organisations (CSOs)-i sorkar dang rongshitsü lemtet agiogo.

Hombarnü Naga Council Dimapur (NCD) office nung senden ka amendang CSOs-i Nagaland Governor dangi züluba shidi ana shisadangtsü lemtet.

"Nagaland sorkar dang NLTP Act kübok Dimapur district medendaktsüsü atema jembitsü bangjemtepogo. Nagaland Governor dangi iba atema shiditem zülugo saka state sorkar den majuruteptet anungii onoki parnok den jembitsü lemtet" ta NCD president Etsungmomo Kikon-i ashi.

Iba senden nung NCD lenisüba kübok Dimapur District GB Union, Naga Women Hoho Dimapur, Dimapur Urban Council Chairmen Federation, Dimapur Naga Students Union, Eastern Naga Students Union Dimapur, Business Association of Nagas, Dimapur District Citizens Forum teloktem aden ta Kikon-i ashi.

Tanü senden nung luden ka tentetogo aser Dimapur Urban Council Chairmen Federation dang iba onük sorkar den

jembitsü tashi agütsüogo, ta paisa ashi.

Iba luden nung Dimapur nung aliba CSOs president ajak züngsem asütsü aser Dimapur Urban Council Chairmen Federation-i parnok den asüngdangtepa inyaktüsü, ta NCD President-isa metetdaktüsü.

"Onok nem küm 30 tashi jembia aruba onük repringshimtsü teblemtsü khuret ajak agütsüogo. Onoki civil society lennirtem den iba onük atema jembitsü" ta DUCCF president Zasiwikho Zakiesato-ia ashi.

Dimapur nung alir ajak dang asüngdangya sorkar dang Dimapur district nung NLTP Act agientsü atema rongshitsü, ta paisa ashi.

Nagaland nung arogotem aser CSOs ajanga rongshiba sülen Nagaland Assembly-i NLTP Act 1989 yanglu aser iba ya 1990 nungi mapa tenzüka inyak.

Dimapur Urban Council Chairmen's Federation (DUCCF)-i 2023 nung Dimapur district aser temeket nung iba Act mapa meinyakba aser Nagaland nung alirtem asoshi timtem bentsür aruba indang bushitepa liasü.

NLTP Act ya nübortem ajangzüktsü atema latet saka ibaji tamakok nguogo ta DUCCF-i bushiteta liasü.

NH-2 nung "Mop-Up Exercise" tenzüko

Dimapur, February 12, 2024 (Agencies): Wokha district ketdangsurtemi National Highway-61 (NH-2) nung KN 72.400 nungi KM 83.000 tashi ozüng memelaba kiojentem agienba mapa tenzüko saka Civil Society Organisations (CSOs), Wokha District-i mokdang magientsü metetdaktüsü.

District Administration, Police, Lotha Hoho ketdangpurtem dena Civil Society Organizations (CSO), Joint Action Committee züngsemtem aser department balala nungi ketdangsurtem lenisüba kübok sorkar li nung "Mop-Up

Exercise" agiogo.

"Sorkari temenok agütsüba ali public-i atsünga magitsüla kechiyong iba ajanga terenlok mapa inyaktüsü mesademer" ta Wokha DC Ajit Kumar Ranjan-i ashi.

National Highways atsünga agiba ajanga terenlok mapa inyaktüsü sentongtem nung tetsükdaktüsü ajurur, ta paisa ashi.

District administration-i NH2 nung temenok agüja aliba tesem ajak nung Right of Way (ROW) mapa inyaktüsü aser terenlok atema mapa inyakba nung tetsükdaktüsü kecha majurudaktüsü ta Wokha DC Ranjan-isa metetdaktüsü.

CBSE-i taila 'X' handles 30 metetdaktüsür

New Delhi, February 12, 2024 (Agencies): Central Board of Secondary Education (CBSE)-i X nung taila social media accounts azioktsü atema maparen kar inyaker.

CBSE-i osang tai prokshiba azioktsü atema Twitter handles 30 shi ka jangjateta metetdaktüsüogo. Item taila account tem ya CBSE ama inyaksangshir saka X nung CBSE indang Twitter account ji @cbseindia29 lir ta parnoki ashi.

"Tsünglanglen agüja aliba handles ajanga Central Board of Secondary Education (CBSE)

indang tenüng aser logo amshiba putetogo. Item account ya X nung public mashileni anisatsü atema lapokba lir" ta CBSE-i Hombarnü metetdaktüsü.

Taila CBSE 'X' handles kar @Cbse_official @CBSEWorld @cbse_news @CbseExam @CBSENewsAlert @cbse_nic_in @cbse_result @CBSEINDIA @cbsezone @cbse_updates

CBI-i Nagaland additional secretary den nisung 2 anema FIR benok

New Delhi, February 12, 2024 (Agencies): CBI-i Nagaland nung sorkar ketdangsur aser Fostering Climate-Resilient Upland Farming System (FOCUS) mapatong nung inyakba ketdangsur ana anema FIR benokogo.

Parnoki Rs 2 crore tema süpokrem meshia agiba anema FIR benok ta Hombarnü ketdangsurtemi ashi.

Income Tax Department nung Air Intelligence Unit ajanga ken o benokba nung ajemdaker CBI-i mapa inyaktüsü tenzüka.

Air Intelligence Unit-i December 17, 2023 nü Nagaland nung Additional Secretary (Agriculture) Jitendra Gupta aser pa den co-passengers taoba Deputy Conservator of Forests Rampaukai aser Animal Husbandry Department Veterinary Assistant Surgeon Auto Vihoi nung ket nung sen aika bena aliba atema apu. Par asem ya Dimapur nungi New Delhi-i aodang apu.

CBI-i FIR benokba sülen February 8, 2024 nü Kohima nung FOCUS office mita ao. Income Tax Department-i par

asem ket nung Rs 71.50 lakh bena aliba apu. Ibaji Vihoi meyong check-in bag nung Rs 34.50 lakh, Rampaukai meyong check-in bag nung Rs 21 lakh aser Gupta meyong cabin bag Rs 16 lakh bena liasü.

I-T Department-i asüngdangya asüdag senji Gupta indang ta Vihoi-i ashi.

Gupta-i FOCUS project den sendaktepa alirtem dang nungi süpokrem aika benden aser December 16, 2023 nü Delhi-i bener aotsü atema pa nem sen agütsü ta Vihoi-isa ashi.

Rampaukai-ia senji Gupta meyong lir aser pai nisung aika dang nungi bill agizükba atema senji benden ta I-T ketdangsurtem dang ashi.

Rampaukai-i FOCUS mapatong den sendaktepa alirtem dang nungi süpokrem meshi aser tesüiba ita ishika tsüngda pai Gupta nem Rs 1.5 crore tema agütsü ta CBI-i ashi.

Rarpaukai-i pa dena district project officer balala dang nungi sen benden aser taoba ita pai Gupta nem Rs 50 lakh shi agütsüogo ta Vihoi-isa ashi.

Jitendra Gupta ya Bihar cadre

nungi 2013-batch IAS officer ka lir aser 2020 nung inter-cadre deputation ama Nagaland-i yok. 2016 küm Gupta ya Sub-divisional Magistrate Mohaniya inyak aser idangji Bihar Vigilance Department-i pa anema ken o ka benoka liasü. Idangji pai khu talila abenba truck garitem apudang süpokrem meshia agi.

Pai transport 'mafia' anema inyakba parnok jashidaktüsü aser taila ken o ka nung pa dak tai tongloktür ta iba mapang Gupta-i shia liasü.

Pai ashiba onük ya October 28, 2016 nü Patna High Court-i pusema nungit aser pa anema FIR benokba agientsü tetuyuba agütsü.

2019 küm Delhi High Court-i Centre sorkar dang Gupta ya inter-cadre transfer asütsü aser hopta pezü tsüngda Bihar cadre nungi aniantsü tetuyuba agütsü.

IAS officer kati pa taküm nung lendong ajurutsü metetsümonga transport 'mafia' anema inyakba atema Bihar sorkar ketdangsur nem timtem agütsür ta Delhi High Court-i idangji shia liasü.

NSH aser FNR-i Naga nunger sentong ka ayonger

Dimapur, February 12, 2024 (TYO): Naga Shisha Hoho aser Forum for Naga Reconciliation ajanga Naga nunger anogo ananü sentong ka ayongzükür.

Parnoki 'Liberating the Naga Spirit' omen nung ajemdaker 'Nurturing Naga Peoplehood' ta

ser sentong ayonger.

NSH aser FNR-i Naga arogotem, Naga yimten teloktem, kin teloktem, Nagaland Gaon Bora Federation, civil society organisations, kaketshir teloktem, media aser kija ajak iba sentong nung adentsü jaokba

metetdaktüsüogo.

Iba sentong ya February 17 aser 18 anogotem Shisha Hoho Prayer Centre, Kütsapo Village nung alitsü.

Osang talila metetnürtemi Rev. Puduhu Khusoh den +91 81199 25318 ajanga tongteptsü akok.

Nagaland nung nisung 25 nem appointment letters agütsü



Dimapur, February 12, 2024 (TYO): February 12, 2024 nü India kübok tesem 47 nung Rozgar Mela indang 12 buba Tranche agiogo aser Nagaland nunga Assam Rifles-i iba sentong ayonga agi.

Assam Rifles Training Centre & School, Sukhovi nung ayonga agiba sentong nung candidate 26 nem appointment letters agütsüogo. Parnok ya Assam Rifles, Postal service, Ministry of

Railways aser Food Corporation of India nung inyaktüsü mapa angurtem lir.

Minister of State, Ministry of MSME Bhanu Pratap Singh Verma-i Major General Vikas Lakhera, AVSM, SM, Inspector General Assam Rifles (North) aser Brigadier Raman Sharma, SM, DIG, Assam Rifles Training Centre and School na lia appointment letters lema agütsü.

Tanü Prime Minister Narendra Modi-i video conference ajanga mapa nung shimokertem den jembia aser iba mapang pai New Delhi nung Integrated Complex "Karmayogi Bhavan" indang Phase 1 lung azüngja liasü.

Tanü Prime Minister Modi-i Government departments aser organisations nung mapa tasen angur nem appointment letters lakh 1 tema alem.

MCTE pur 13 buba Foundation Day mungogo



Mokokchung College of Teacher Education (MCTE) pur 13 buba Foundation Day sentong February 12, 2024 nü alidang Deputy Commissioner, Mokokchung, Thsuvisie Phojo-i o jembiba noksa nung angur.

Dimapur, Tsüklai/February 12 (TYO): Yimyu nung aliba Mokokchung College of Teacher Education (MCTE) pur 13 buba Foundation Day sentong College Auditorium nung February 12, 2024 nü Deputy Commissioner, Mokokchung, Thsuvisie Phojo dener agia liasü. Iba sentong nung Mokokchung DC ajanga jembidang College principal, tesayur aser staff temi bendanga agütsür College asoshi mangdang tajung yur

inyakba atema tenüngsang agüja liasü. Iba College amenoker aruba indang bilemteta jembidang pai kaketshirtem dang taküm tepiyong angazüksü aser pei nükjidong matong tashi meranga inyaksü ajungshia liasü. Alima melenshiba nung tesayur temi tongti shilem agir, anungji kaketshir temi tarutsü putu junga anitsü merangtsüla, ta pai ashi. MCTE indang principal, Dr. T. Alemla Longkumer-i college otsü tatongi rateta ashi aser

College ajanga maparen balala inyakba, nükjidong, mangdang aser omen telok den lemsatapa liasü. Iba sentong nung menden Imlikumla, Asst. Prof, MCTE liasü aser MCTE mezüng batch nungi Bendangnaro-i shilem agia liasü. 'Life of B.Ed Student Teachers' nungia agütsür 4th-semester student teachers temi skit ka ai aser Dr. Temsurenla, Vice Principal, MCTE ajanga Tsüngrem temoatsü meshia sarasadem.

Advisor Zhaleo Rio lenisüba kübok Chümoukedima DPDB senden amen

Dimapur, Tsüklai/February 12 (TYO): Ita shia amenba Chümoukedima District Planning and Development Board (DPDB) senden February 12, 2024 nü Deputy Commissioner, Chümoukedima indang Conference Hall nung mena liasü. Iba senden ya Advisor, Urban Development & Municipal Affairs, Zhaleo Rio aser ADC Chümoukedima, Dr. Kuzonyi Wideo na lenisüba kübok mena liasü. Senden nung Zhaleo Rio-i züngsemtem pela agizük aser küm tasen nung ajaki asendenshir bendanga agütsür inyaksü teimla aliba lemsatapa liasü.

Nüburtem ajangzüksü mechi department balalai nükjidong yur inyaksüla aser kija-ia shilem agitsü tongtipang lir, ta pai ashi. Yimtsüng nung maparen aser scheme balala atema pai department ajunga dang yearly action plan yanglungung ajungtsü ta shia liasü. Nagaland nung association aser union (lokti tentet) tali akumba mechi Advisor Rio-i ketdangsurtem dang society registration jangjar ang agütsütsü aser tsüngdong oa verification agütsütsüla ta ayongzüka liasü. Nüburtem ajungtsü atema züngsem temi lungjemer mera agitsü aser iba senden nung

adentsü kanga tongtipang lir, ta pai ashi. Iba senden nung züngsem tasen pela agizükba den taoba senden nung lemtetbatem lepa reprangshia liasü. GMS Kukidolong village upgrade asütsü atema senden nung jembi aser department dangi abentsü lemtet. Ajisüaka Two Wheeler Taxi Association register asütsü atema maneni shisa agiteptsü lemteta liasü. Highland Hall Higher Secondary School aser GMS Kozabe Village tenüng melentsü atema jembi aser agizüka liasü. Maneni United Theological College and Seminary, Seitheke Basa society registration atema agizüka liasü.

DNSU-i tatidang mapang nüburtem dang mepishir

Dimapur, Tsüklai/February 12 (TYO): Nagaland Board of School Education (NBSE) aser Central Board of School Education (CBSE) kübok aliba school tem nungi kaketshir aika Class X aser Class XII tatidang agütsü tenzüka mapang nüburtem dang kiyong nung nung, talisa nikongdang aser aonung menur kaketshir mezüngtettsüsa ola tulu madoktsü aser nüburtem kumdanga alitsü Dimapur Naga Students' Union (DNSU) ajanga ayongzük.

Kaketshir ajungtsü mechi Electrical Department dang power supply shidak agütsütsü mepishir, ta DNSU tir Moayanger Jamir-i sangdong ka ajanga ashi. Tang tagidak tatidang mapang nüburtem kumdanga alitsü aser kaketshirtem tajungtiba nung tatidang agütsütetsü atema nübur ajungai yariteptsü ayongzüker, ta ashi. Sangdong ajangasa kaketshir ajak dang tajungtiba nung pei tatidang agütsütsü sarasademsür ta ashi.

Kohima DPDB senden February 15 nü amentsü

Dimapur, Tsüklai/February 12 (TYO): Deputy Commissioner, Kohima, Kumar Ramnikant ajanga sangdong ka nung ashiba agi, February 2024 asoshi Kohima District Planning and Development Board (DPDB) senden ya February

15, 2024 anepdang 11:00 ako nungi tenzüka amentsü. Iba senden ya Kohima nung aliba DPDB Conference Hall nung amentsü, anungji züngsem ajak senden nung medema arua adentsü ayongzüker, ta sangdong ajangasa ashi.

ANPSA-i Mokokchung mi lendong ajanga timtemer nem teyari tenla agütsü



ANPSA Mkg.Unit Tir Dr.Anungla Aier(Achichi) aser Tongti Zülur Dr.Imchanaro(abelen) tenati Mokokchung DC nem tenla agütsüba mapang tangokba noksa nungji angur.

Mokokchung, February/ Tsüklai 12(TYO): All Nagaland Private School Association (ANPSA) Mokokchung Unit-i February 3 aonung Mokokchung Municipal Council Shopping Complex nung shishilembartem mi lendong agi kongshir alir kija aser kibongtem nem teyari ka ama sen tenla 65000/- agütsüogo. Nüburtem timtem nung aliba mapang ka nung iba ama tenla agütsütetsü asoshi Bridges Academy, Changtongya, Clark Memorial Higher Sec. School, Impur, Canaan Christian Higher Sec.School, Mkg.Town,

Lady Bird School, Mkg.Town, Christian Residential Higher Sec.School, Mkg.Town, Hill View Higher Sec.School, Mkg.Town, Model Higher Sec. School, Mkg.Town, Children School, Mkg.Town, Edith Douglas Higher Sec.School, Mkg.Town, Queen Mary Higher Sec.School, Mkg.Town, Rajeshwari Karuna School, Tuli aser Christian Standard Higher Sec.School, Changtongya ajanga yaritepba asoshi ANPSA Mkg.Unit Tir Dr.Anungla Aier aser Tongti Zülur Dr.Imchanaro ajanga tepelaba metetdaksü.

Polio aser Measles atema STF senden Feb. 16 nung amentsü

Dimapur, Tsüklai/February 12 (TYO): Polio National Immunization Day (NID) atema Routine Immunization (RT) & Measles Rubella Elimination (MR)

reprangshimsü asoshi State Task Force senden February 16, 2024 nikongdang 1:00 ako nungi tenzüka amentsü, ta sangdong ka ajanga ashi. Iba senden ya IDSP Hall,

Directorate of Health & Family Welfare, Kohima nung amentsü, anungji sendaka aliba ketdangsurtem ajak senden nung arua adentsü ayongzüker, ta sangdong ajanga ashi.



Mangmetong lushi, Nokjok lenden nung züsentetba gopi (cauliflower) ka agi seret (kg) 5 aser mola ka agi seret 8 noksa nung angur. (February 12, 2024).

Ungma nung Disaster Response training tenzüko

Dimapur, Tsüklai/February 12 (TYO): Awareness cum Disaster Response training sentong ka February 12, 2024 nü Mokokchung District kübok Council Assembly Hall, Ungma yimadak tenzüko. Iba sentong ya ananü agitsü aser Department of Home Guard, Civil Defence & State Disaster

Response Force, Mokokchung ajanga ayongzüka liasü. Training ya Company Commander Lanutemjen-i tenzüksü aser Council Chairman, Ungma, Ningshilepden-ia iba ama training tongtipang ayongzüksüba asoshi department dang pelaba lemsatapa liasü.



February 12, 2024 nü Patna nung floor test agitsü lia Bihar Chief Minister Nitish Kumar aser NDA MLA tem Bihar Legislative Assembly-i arudang tangokba noksa nung angur.

Delhi Police-i March 12 tashi Section 144 ozüing benoker

New Delhi, Tsüklai/February 12 (Agencies): India nung aluyimertem union aikati 'Delhi Chalo' march ayongzüka aliba nokdangtsü atema Delhi police-i ita ka piyong (March 12 tashi) Section 144 ozüing benokogo.

Amongnü police Intelligence osang ka ajanga, February 13 nü 'Delhi Chalo' march agitsü atema aluyimertem union 200-i ayongzüka lir, aser aluyimertem 15,000 nungi 20,000 tashi tractor 2,000-2,500 shi nung mener Delhi tonga arutsüa akok, ta metetdakja liasü.

Hombarnü Delhi Police Commissioner, Sanjay Arora-i lokti senden kecha malitsü aser gari lenmangtem menokdangtsü atema tuyuogo.

Iba tetuyuba kübok Delhi arrtsülen aluyimertem tractor rallies-a nokdang.

Punjab, Uttar Pradesh, Karnataka aser Haryana densema state balala nungi aluyimertem meyirjang aika Delhi telungi ia longkak aittsü sentong lir.

Delhi Police-i sangdong ka ajanga, "Aluyimertem organisations kari parnok

pusemertem dang February 13 nü Delhi-i arua adenshitsü aser Minimum Support Price (MSP) densema takhangba balala agütsütsü ayongzüko. Parnok takhangba mataloktsü tashi parnok Delhi arrtsülen mener longkak aittsüa akok. Lendong mataloktsü aser tensa azüoktsü; taküm aser kiojen kümzüksü atema section 144 Criminal Procedure Code, 1973 benoker," ta metetdaksü.

Delhi Police-isa, Haryana aser Uttar Pradesh na nungi Delhi-i aruba gari ajak mita repringtsü, ta metetdaksü.

Qatar nung Indian navy 8 chiok; PM Modi-i Qatar semdangtsü

New Delhi, Tsüklai/February 12 (Agencies): Ato kilonser Narendra Modi-i UAE semdangba sülen February 14 nü Qatar yimtiba, Doha-i oa Emir of Qatar, Sheikh Tamim bin Hamad Al Thani den senden amentsü, ta Hombarnü Ministry of External Affairs-i metetdaksü.

Qatar nung India nung navy 8 ita 18 jungnüa tepoukdak liasü, saka parnok chiokba sülen Modi-i Qatar semdanga Emir den senden amentsü.

Qatar nung tepoukdak aliba Indian Navy 8 chiokogo, aser parnok tenetbo India tonga aruogo, ta Hombarnü Ministry of External Affairs-i sangdong ka nung metetdaksü.

Taoba mapang Indian navy tenetji Captain Navtej Singh Gill, Captain Saurabh Vasisht, Commander Purnendu Tiwari,

Captain Birendra Kumar Verma, Commander Sugunakar Pakala, Commander Sanjeev Gupta, Commander Amit Nagpal aser Sailor Ragesh nung lir.

Yaküm October ita tatembanglen Qatar nung aliba court kati Indian Navy 8 nem tasüba temerenshi obendang agüja liasü. India sorkari iba osang angashia aoksaba osang lemsatepba den külemi parnok kümzüksü atema sorkari akokba tashi legal tsütsülen nungi teyari lenmang bushitsü, ta metetdakja liasü.

2022 küm August ita nung Qatar ketdangsertemi taoba mapang Indian Navy officer 8 ji apu. Parnok Qatar nung aliba company ka nung inyakba mapang parnoki Israel nung atema itdangitba mapa inyakogo, ta melung melemi parnok pua liasü.

Hombarnü osangbenertem den jembidang Foreign Secretary, Vinay Mohan Kwatra-i, "UAE semdangba sülen February 14 nü nikongdang Ato kilonser Narendra Modi Doha, Qatar-i aotsü. Ato kilonser Modi-i Emir of Qatar, Sheikh Tamim bin Hamad Al Thani aser Qatar nung tongti ketdangsertem den senden amentsü," ta metetdaksü.

Foreign Secretary-isa, "Ato kilonser Modi-i Qatar semdangba ajanga linük ana tsüingda tesendaktep tashi itshitsü atema tongti lenirtem den jembitsü asoshi maangka angutsü, iba denji külemi regional aser international onüktem nung o lemteptsü," ta metetdaksü.

(Maneni tapak 8 nung...)

Court kati AAP lenir Manish Sisodia nem anogo asemnü bail agütsü

New Delhi, February 12 (Agencies): Delhi nung aliba court kati taoba mapang Delhi Deputy Chief Minister aser AAP lenir, Manish Sisodia nem anogo asemnü atema bail agütsüogo.

Tamalen Delhi nung excise policy ochimashi ken o dak sendakba nung yaküm Sisodia pua liasü.

Special judge, M K Nagpal-i Sisodia'er adianu ka jala kiyimba sentong nung adentsü atema pa nem February 13 nungi February 15 tashi bail agütsü.

Senotsü tsütsü ochimashiba ken o ya CBI aser ED nati bushisüingdangdar.

Yaküm February 26 nü CBI-i Sisodia apuba sülen Enforcement Directorate (ED)-ia March 9 nü pa apu.

National Capital Territory of Delhi (GNCTD) nung excise policy ken o nung tang tashi nung CBI-i tesem 200 jungnüa mita oa bushisüingdangogo. Delhi Lieutenant Governor, VK Saxena-i ken o agütsüba nung ajemdaker CBI-i FIR benoka liasü.


LIST OF SELECTED PARTICIPANTS FOR STATE HANDLOOM EXPO AT URBAN HAAT, DIMAPUR. W.E.F. 16TH FEBRUARY TO 29TH FEBRUARY 2024.

Sl. No	Name of the participants	Address
1	Papu Moni Sharma	Kamrup, Assam
2	Tarjan Chintey	Lakhimpur, Assam
3	Bornali Teye	Charaideo, Assam
4	Romen Saikia	Jorhat, Assam
5	Rituraj Saikia	Golaghat, Assam
6	Joydip Gogoi	Jorhat, Assam
7	Majani Khatun	Barpetta, Assam
8	Nalima Ngatey	Lakhimpur, Assam
9	Avitoli H Zhimomi	New Delhi
10	Simu Rengma	Tseminyu, Nagaland
11	Lemsemchila Lemtur	Mokokchung, Nagaland
12	Marem Konyak	Mon, Nagaland
13	Khuluto Yeptho	Zunheboto, Nagaland
14	Avito Achumi	Kohima, Nagaland
15	Masapula	Mokokchung, Nagaland
16	Ahong Konyak	Chumukedima, Nagaland
17	Bendangnaro	Changtongya, Nagaland
18	Nivili	Kohima, Nagaland
19	Yimlichaden	Longleng, Nagaland
20	V. Kazhevi Awomi	Zunheboto, Nagaland
21	Hinyele Seb	Kohima, Nagaland
22	Angyung	Mon, Nagaland
23	Obed Aye	Zunheboto, Nagaland
24	Ivuto Aye	Zunheboto, Nagaland
25	Lily Sote	Kohima, Nagaland
26	Nepmei Phom	Longleng, Nagaland
27	N. Kaheli	Zunheboto, Nagaland
28	Chubala Jamir	Changtongya, Nagaland
29	Sarovi	Phek, Nagaland
30	Lokheni	Zunheboto, Nagaland
31	T. Anung	Tuensang, Nagaland
32	Nungsangwala	Mokokchung, Nagaland
33	Ilika Jakha	Niuland, Nagaland
34	Sashimenla	Mokokchung, Nagaland
35	Washila	Akhoya, Nagaland
36	Asang T Konyak	Mon, Nagaland
37	Pelhououo	Chumukedima, Nagaland
38	Tiasangla	Mokokchung, Nagaland
39	Khriengtuonuo Mere	Kohima, Nagaland
40	Jungshimanen	Mokokchung, Nagaland
41	Watisola	Phek, Nagaland
42	Marsola	Mokokchung, Nagaland
43	Medole Kapfo	Kohima, Nagaland
44	Sanelu Shijo	Phek, Nagaland
45	Tohoni	Zunheboto, Nagaland
46	Matsungsenla Pongener	Mokokchung, Nagaland
47	Pangla Phom	Kohima, Nagaland
48	Kitoli	Chumukedima, Nagaland
49	Kheliho	Zunheboto, Nagaland
50	Atula Imsong	Mokokchung, Nagaland
51	Nesute-u	Phek, Nagaland
52	Moachila (Telongjem Unit)	Mokokchung, Nagaland
53	Moasangla	Mokokchung, Nagaland
54	Kheholi	Chumukedima, Nagaland
55	Bendangnaro	Mokokchung, Nagaland
56	Imsumongla Longkumer	Mokokchung, Nagaland
57	K. Lochumlo Ngullie	Chumukedima, Nagaland
58	Anne	Zunheboto, Nagaland
59	Saraholi Yeptho	Niuland, Nagaland
60	Mughavi	Zunheboto, Nagaland

NB:-

- The selected participants are directed to report to the exhibition ground at Urban Haat at 6:00 a.m
- The participants are directed to keep their exhibits in their stall under lock & key. The office shall not be held responsible in case of any losses/theft.
- Selected participants must display genuine products with full stock, failure to do so will result in revoking their participation from the exhibition.
- Selected participants are informed to reach at scheduled time. In case of failure, their participation in the event will be revoked

**Managing Director
NHHDC Ltd.**



February 12, 2024 nü Jammu nung 'Rozgar Mela' sentong nung sorkar department balala nung mapa angurtemi mapa nung shimokba shidi anguba sülen tangokba noksa nung angur.



TIR YIMYIM YIMOBILEM (EDITORIAL)

DIMAPUR SANGTENNÜ, FEBRUARY (TSÜKLAI) 13, 2024

Tuli paper meshibangteter na ?

Tuli paper mill, koba dang Nagaland Pulp & Paper Company Ltd. (NPPCL) ta ajar, iba mill nung paper menümbabo anener joko küm 32 ajunger saka iba mill company yabo tang tashi meshibangtet kangshidagi. Aji oda, Tuli paper mill tanaben lapoktsüba dang nungibo teti atema shibanga ayu tasakba kümogo. Iba jagi Naga nunger khen akoksatsü agi anaben-aseben akoksar. Aji oda, akhidang lapokba paper mill toa tanaben shia arudakja melapoktet aser iba melen kasa tesem nung tanga industry mesüra nübortem ajangzüksüsa terenlok sentong kar tenzükdi asüyonga, ano Tuli paper mill inyakyim aser maparenbo matem tepdaka aliba agi Nagaland government-i la mulungba agi Tuli paper dak sendakba ken o aser ali nung teka mamouktetter. Iba denji ano Tuli paper nung inyakterem tang tashi tanena manentsü aser ita sena magütsü ta timtem tia nung aliba maremtet, parnok tangutsü tim ita sen aser pension-bosa bushitsü asoshi tasa tatem nung obendangdak keno benoktsü tebilemba lir ta angashir. Atangji, khenbo Tuli paper mill ya shia arudaktsütsü asoshi center government-i sen-a crore 552.44 bo agütsütsü mulunga liasü aser iba nung jagi sen crore 60 bo agütsür mapa tenzüksü teimla liasü saka Hindustan Paper Corporation-i sen-ang tali meshisemtsü tenzükba ajanga tamasa agütsütsü lemtetba sen crore 552.44 nungi crore 60 agütsürbo tanüngba senbo tangua mangu aser HPC teloki meshiba sen talila crore 1241.80 crore jia mangu ta yarer-a majishi aser sotsüa meyongshi ta tom nung Naga nunger kanga akoksaogo. Joko, Tuli paper mill tanaben shia arua lapoktsübajibo otsü maka, anungji Tuli paper mill (NPPCL) ya teti atema jungjunga tekaratiba nung shibangtsü asoshi state government-i kanga temulung agüja inyaksüla. Tang yabo Tuli paper mill meyong kiojen aser ali nung ya Hindustan Paper Corporation Ltd (HPCL) dena lir, anungji parnok den mebendang tashibo asenoki Tuli paper mill meyong kiojen aser ali nung kecha meinyaktetsü. Iba tensa tiaji Tuli paper mill shibangba dang nungi tamajungba lir. Atangji, paper mill shibangba ya Nagaland nung dang masü saka India nung tesem aika nung shibangogo. Ibayongji, tang India nung anguba paper ya teimbaka tangar bendang limatem nungi bener aruba papertem lir. Iba jagi balaka paper jenjang kanga saaka akümer. Tetezü, Nagaland nung paper mill takok ngua moutet anenba atemaji kecha balaka sasaseta kazütsü menüngdaker saka paper mill melena paper mill alidakji aser paper mill meyong li nung asenoki paper mill dang nungi tajungba aser tuluba mapa kar tenzuka otetra, ajiang paper mill dang nungibo terben agi tajungba aser temoatsü tuluba asütsü. Ibaji ataloktsü atema Nagaland government-i ano khen süoki ia bilemdangtsüla aser paper mill nung inyaka arurtem shirnoksa ita sen mengui ali, item nemji parnok tangutsü tim senotsü kwi anünga ali, itemji inyakdang küpdangtsüla. Tanga state nungbo paper mill shibangba sülen state government-i paper mill melena nübortem ajangzüksü asoshi mapa angazükdkak aser mapa inyakdak tesem tajung ka kümdakja inyakba angutsü. Ajisüaka, asenokbo küm aika paper mill shibangbaji alima atemer ama bilema ajisa tanaben shia arudaktsütsü meranga aruogo. Asenok tamashi kaji, paper mill lapokba aser paper mill tanaben lapokdaktsünüba kuli ashidang, paper mill ajanga senotsü tajangzük agütsütsü imlaa lapokba masü saka yimten tebilemstü akoktsü nükjidong nung lapok ta ajangajanga jembia arubato asütsü. Nagaland government o Center government naji khen yutsür, Hindustan Paper Corporation Ltd asoshi paper mill lapokbaji senotsü ajangzüksü atema lapokba business lir, anungji tajangzük melira shibangtsü. Iba jagi shibang. Tangbo asenokia ibaji angatetter asütsü imlar. Yimten tebilemstü aliyonga- maliyonga tajangzük maketba mapa nungbo shingai pei sen , nübo aser mapang endoka business meinyaktsü. Ibaji asenoki angatet nung dang, Tuli paper mill ya teti atema shibangtsü aser HPCL dena bendangtsü aser Tuli paper mill melena Tuli paper mill dang nungi tuluba sentong aser mapa tenzuka inyaktetsü.

OLEMSABANG

HINDI OSHI AJANGA TAJANGZÜK

- Padma Shree M. Piyongtemjen Jamir

Kodang ni class 6 nung liasü (küm bo tain saka class 6 nung tang liasü) idangji tangar Nagpur anasa yim tila ka Wardha nung Hindi Training agiba angashi, oda Hindi oshi indang jembia angashiba den kü mulungjang nung tejempiba ka aru aser Hindi azüngtsü temulungtetba agiadok. Temulungtetba nung Longsa yim toktsür apusoba tanu iba jenjang nung lir. Ya tashi tongtetba kodang ni meyipba repranger ni teti Tsüngrem tenüng asanger. Alima rangben kati ka dak metaloker alir, kar lima nungbo peria adoker kar bo pei (tangar) dak medaloker alir. Asen lima ya kodang reprangtir asenok pei (tangar) dak metaloka aliba lima ka lir. Akhi mapang tsürapur hopta agia Mariani tashi metsü (salt) abeni aoba otsü lir, teti nung peria makaba asen kidanger dak metaloktsüba dak alaka tanga lenmang kecha mali, aji oda Hindi oshi ya kanga tang tongtipang lir. Asenok India lima nung alir asünung Hindi ya angazüktsüla aser metettsüla. Asen oshi ya bener Mokochung District ajanga kechai-a mesenzüteter. Aoksa ka! Nagaland nüjiso (Independent) ngua ao ka asüyonga Hindi oshi bo sa asen asoshi tongtipang asütsü. Asen anasatiba kidanger Assam, Manipur, Tripura etc, nunga asen oshi bener mejajateter aser asen lima item limatem dak metaloka alitsüla akümer sura, Hindi mesura koba oshi bener jajatsü? Hindi oshi ya India nung nütsüngsük (population) 60% asoshi tetsü oshi lir. Central India aser North India nung states teimba ka asoshi Hindi ya tetsü oshi lir iba den India oshi teimba ka Devnagri script (Sanskrit mapang nungi aruba script) nungi poktetba lir, ano Nepali, Marathi, Gujarati etc. oshi Hindi mesüaka zülü bo Devnagri tang anungji Hindi pei tetsü oshi masü yonga angateter aser jembiteter anungji asen lima asoshi iba oshi ya kanga tongtipang aser iba oshi ya metetba ajanga kanga ajangzükter. Hindi oshi metetra nai India nung tesem ajak nung kecha timtem (problem) melei senzütettsü. Oshi ajanga nisung longjemer aser oshi ajanga pilar. Meimchiri kin palaka süaka oshi metetba ajanga yimer ka ama temeim sayuteper.

Tanü Hindi ya asen asoshi tang masü saka alima rangpen asoshi tongtipang kümogo. Alima nung India ya Economic power ka akümba asen tenük agi tanü angur aser alima ajaki India den medemner aser India dak tenük yoker. Aser iba asoshi oshi metettsü tongtipang anungji alima ajak nung Hindi oshi ya kanga tongtipang sa angazükteper. Alima nung nisung teimtibai jembiba oshi rongnung Hindi ya number 4 buba nung lir aser teti ina aoba oshi lir. Centre nung Hindi mesüra oshi tanga magizükter iba tetetzü parnoki English mashi ta masü saka Hindi ya asen India lima official oshi lir anungji official maparen ajak Hindi nung tang inyakteper anungji Hindi mashi tashi asenok timtem lir. Nagaland Government centre tonger tazüng arubaji mesüra, takoksa angubaji (loss achibaji) middleman melira mapa kecha mekümteter. Oshi nunga tangar dak metaloka ali tashi asenok tejakleni maotsü. Production bo kecha mali aser oshi bo memetet ta süra shiba ajangzükter? Naga nunger asoshi Hindi ya tongtipang ta memetet aser mangazük tashi asenoki tangar kotanga memeneptsü. Alima nung oshi rongnung tajungtiba ji Hindi ta alimai agizükter, Hindi oshi ya scientific oshi ka lir aser iba oshi ajanga tera tera melenshir bo alima nung aliba oshi ajak zülutettsü tashi Hindi oshi dak lir ta alimai ashir. Alima oshi rongnung koma zülur yamaji azüngba oshi ji Hindi dang lir. Aser koma tepang agi ola adoker yamaji dang zülur anungji alima ajaki iba oshi ya sapur. Asen Ao zülü mali aser Roman zülü nungbo züludang palaka aser tazüngdang ola palaka adoker. Hindi ya tasak amai bilemer saka Roman ama class nursery or class A nungi zünga tura temela lir. Tanu asen chabaso jalatemi bo Hindi ya tila asüadang nungi angateter aser jembiteter ano aikati zülua züngteter. Kechiyong iba ya oshi temela lir aser iba oshi nungi dang Bengali, Assamia aser Nagamese ya poktetba lir. O aika kesa kesa lir anungji Hindi oshi India oshi tanga angazüktsüa mela mela lir ibaji tanu tensa nung kanga tang tajangzük asütsü. India lima ya alima shishilembaba tesem ka kümogo anungji alimai Hindi mangazüki melitettsü, asenokbo tera temelong agüja jangraa angazüktsü merangra mela melar asütsü saka kodang tsüpua belemtir, ni bo kodanga makoktsüa ta bilema angazüktsü merangtir takoktsü agiaa tamakoktsü ka kuma aotsü. Hindi oshi ajanga ni ama kecha memetet nisung ka Surinam (South America) 5th World Hindi Conference 2003 nung aser ano 2012, 9th World Hindi Conference Johannesburg (South Africa) tongteter aruogo.

(Iba ocet ya Ao Baptist Arogo Padum Pukhuri-i adokba Ranglok Kaket July 2021 Adok nungi agitetta adokshir.

Iba ocet zülur ya 2021 küm alima nungi pilaogo)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir



February 11, 2024 nikongdang Houston, Texas nung Pastor Joel Osteen-i aniba Lakewood Church nung lendong atalokba sülen tangokba noksa nung angur. Tenla ki telung nung tetsür kati ajungbena injang khaloktsüba sülen duty officers anati la khaset.

UP nung anti-conversion ozüng kübok Khristantem anema FIR 170 benok

February 12, 2024: 2021 küm Uttar Pradesh Prohibition of Unlawful Religious Conversion Act, 2021 agizükba sülen state nung Khristantem anema benokba FIR 170 lir.

Uttar Pradesh kübok district 40 nung FIR 170 benoka lir aser item ken o kübok nisung 700-i ozüng alema tangartem Khristan yimsü dangi meyipdaksü, ta tai tongloktsü.

Ano item FIR nung tai tonglokja alir nisung 200 dak temabo mejangjaba nisungtem lir.

Uttar Pradesh kübok FIR teimtiba benoka aliba district ji Azamgarh (FIR 20) lir, iba sülen Sitapur (14), Fatehpur (13), Jaunpur (12), Ambedkar Nagar (8) ase Gorakhpur (8) district tem lir.

United Christian Forum (UCF) National Coordinator, AC Michael-i, anti-conversion ozüng ya India linük temzüng alema lir, kechiyong linük temzüng ajanga senso ajak nem yimsü temeden agüja lir, ta metetdaksü.

Paisa, Laishiba lema agütsü nunga Khristantem apur, ajisüaka Ramakrishna mission ama Hindu missions-ia Gita lema agütsür; parnoki tangartem Hindu yimsü dangi meyipdaksür, ta parnok nem tai tongloktsür asü?, ta asüngdang.

UCF-i ashiba agi, 2020 küm nungi 2023 küm tashi nung Uttar Pradesh nung ozüng alema tangartem Khristan yimsü dangi meyipdaksü, ta tai tonglokja Khristantem anema FIR 184 benoka liasü aser 2020 küm December ita nungi 2023 küm November ita tashi nung nisung 398 jail nung puokogo, ta paisa metetdaksü.

Michael-i, police ket nungi FIR osang angutsü kanga tasak, kechiyong parnoki item osang tejangja melemsateper, ta ashi.

2020 küm November ita nung Uttar Pradesh Prohibition of Unlawful Religious Conversion Act, 2021 agizüka

liasü aser anogo ishika tsüngda state Angh-ia agizük.

Arunachal Pradesh, Odisha, Madhya Pradesh, Chhattisgarh, Gujarat, Himachal Pradesh, Jharkhand aser Uttarakhand nunga anti conversion ozüng agizüka lir.

Iba ozüng kübok aibelenertem bail nung mechiochtsü aser küm 10 tashi tepuokdak ayutsü akok.

Uttar Pradesh nung anti conversion ozüng alema inyakba atema benokba FIR 170 kübok nisung 700 nem tai tonglokja lir aser tai tonglokja alir teimtiba aliba district ji Fatehpur lir (200). Jaunpur district nunga nisung 90 nem tai tonglokja lir.

Item FIR nungji, Khristantemi sensakertem dang nenoki Khristan yimsü agizükra onok indang organization-i sempet, senotsü, mapa aser shisaliok agütsütsü ta shia mesüzüker, ta tai tonglokja lir.

Tai tonglokja alir Khristan putir kati, "Jharkhand, Haryana, Tamil Nadu, Kerala aser Uttarakhand state tem nung aliba Khristan hospitals nung staff tem mesüra nurse inyaker kibong 68 takoksa nguogo. Küm 25 tejaklen ni Kerala nungi Uttar Pradesh-i aru. Kü meyong Aadhaar nung UP address lir. Sensakertem tenzüktsü atema ni yagi aru aser onok meyong hospital nung amongertem dang onoki senotsü ajemer agir, ajisüaka meyiper ketdangsertemi onok amokmerener," ta metetdaksü.

Küm 109 tejaklen lapokba Khristan hospital indang website nungji, parnoki nungdakbapurtem aser sensakertem tenzükter, ta shia lir. Ajisüaka ketdangsertemi mapang shia Khristan staff tem apuba agi tangbo doctor tem aser staff tem kanga ajema kümogo.

Uttar Pradesh nung tai tonglokja alir nisung 200 dak temabo maitsü mejangja.

2023 küm March ita nung US Commission on International Religious Freedom (USCIRF)-i India kübok state 12 nung anti conversion ozüngtem asadanga liasü. USCIRF-i, anti conversion ozüng ya International Covenant on Civil and Political Rights (ICCPR) ama meimchir temeden atema agiba tezüngzüktep balala anema lir, ta metetdaksü.

India nung nütsüng teimtiba aliba state ji Uttar Pradesh lir aser yaküm India nung Khristantem anema inyakba tatalokba teimtiba aliba state ji Uttar Pradesh liasü. Yaküm January nungi November ita tashi nung UP nung Khristantem anema inyakba tatalokba 287 liasü, ta United Christian Forum (UCF)-i metetdaksü.

Nütsüng million 200 dak tema aliba Uttar Pradesh nung nütsüng shilem 0.18 dang Khristantem lir saka iba state nung Khristantem anema inyakba kanga bulua kümogo.

European Parliament-i Nigeria nung Khristantem tepsetba aitsü

February 12, 2024: European Parliament-i yaküm Christmas mapang nung Nigeria nung Khristantem jenti tepsetba aitsü, ajisüaka Nigeria tesem balala nung Khristantem tepsetba ya climate change ajanga lir, ta ashi.

2023 küm Christmas mongpu nung Fulani telungpurtemi Nigeria kübok Central Plateau State nung Khristan 195 tepseta liasü aser nisung 300 dak tema yirutsüba den külemi Tenla ki ti rongdoktsü aser ki aika rongdokja liasü.

EU bangzüng ajanga, "Nigeria nung nisung jenti tepsetba ya aiben yimsü tsütsülen nungi lir, ta jembir. Aibelenertemji mejangjar aser tensa majungba ya ali raktepba, climate change aser ketdangsertemi aibelenertem nem temerenshi magütsüba agi lir," ta metetdaksü.

EU-isa Nigeria nung

ANO GO ABEN TSÜNGREM DEN

Tashi manga teli

Aji asünung Oh Agrippa Chuba, kotaker mangdangji ni tashi mangai mali. T.Mapa 26:19

Kuli ka asoshi Tsüngremi ajak inyaker. Nükjidong ka asoshi Tsüngremi Damaska among Tarnus nunger Saul den ajuruteper (T.M. 9:1-9). Sauli Khristantem rishikangshitsü sentong renema liasü saka Khrista ajuruba ajanga pa taküm teti asoshi melenshi. Iba ajuruteperba nung Tsüngremi Saul temenen nungi kümzükba dang nungi tali inyaker. Tsüngremi Paul asoshi renemba jungkai adoktsütsü tenzük. Paul asoshi Tsüngremi nüngloktsüba mapa jangjaa aküm: "Kechiaser bendangertem, chubatem aser Israel chirtem madangi kü nung abentsü, Pa ni ashi kü teshimetetba marok lir kechiaser kü nung atema Pa kodaka kangshitsüla, ni Pa dang sayutsü" (T.M. 9:15-16).

Paul asoshi Tsüngrem sentong mangdang ajanga jungkai adok, chuba tsüngdang taküm kuli aser timtem rishikangshi dena liasü. Pauli sayatonya mapa inyaksü tenzük, telok tulu nung sayutsüngi aser arogotem tenzük. Saka ano Paul dak lung agi aon, rong raksaba lendong nung aten, azük, atala, pa anema jembi aser tepuokdak ayu (2 Kor. 11:23-28). Ibai shidakba pa mezüngbuba mapa liasü ta asenoki agizükletter asü? Tsüngremi tenyaba mapa nung Pauli nemnemba asenoki mangashi. Pai Peter, Yohan mesüra Yakob nem agütsüba ama pa nema agüjang ta pai kodang masüngdang (Gal. 2:9-10). Tsüngrem mapa mashi ka agütsübaji Paul asoshi teperi liasü, pa mapa tatembangleni arudang pai Agrippa chuba dang tasü itta ashi, "Ni kotaker mangdang nung tashi mangai mali."

Oh, Tebui mulungba nung mainshitsü aser bendanga agütsütsü Paul ama alitsü koda jangratemtsü tepela! Asenok khristan tamang junga tenzükba nung dang masü saka ano tamang katetta atemba nung koda tepela lir! Asenok taküm tatem nung ajaki "Ni tashi mangai mali" ta ashitsübaji Tsüngremi aginüba lir.

ketdangsertem dang Plateau aluyimertem (Khristantem) State nung raraba kuli aser kiset shiruru mesürtem (Fulani Muslim) tsüngda rara dang lir, ta jembiba jagi tanga kulitem sendokba sayur. Nisung jenti tepsetba aser teraksatsübaji Islamic kiralongrartem ajanga lir," ta ashi.

Khristan melungtet telok ADF International nungi Georgia Du Plessis-i Nigeria nung Khristantem amakba ya yimsü tsütsülen nungi masü, ta European Union-i bangjemba atema aitsü.

2021 küm alima nung Khristantem teimtiba tepsetba linükji Nigeria liasü. Iba kümji alima nung Khristantem tepsetba shilem 90 bo Nigeria nung liasü. Tang anogo shia Nigeria nung Khristan 14 shi tepseter.

European Parliament nung züngsem, Bert-Jan Ruissen aser György Hölvényi natibo Nigeria nung Khristantem jenti tepsetba tongti kuliji Islamic kiralongrartem ajanga lir, ta EU-i bangzüng merenemba atema tesasaba lemsateper.

Ruissen-i, "Iba ya

Hölvényi, "Tangatetba nem tenük pokdaksür nisung karibo Khristantem timtemba atema tebilemstü makar. Amakba, tepsetba aser Tenla kitem raksatsübaji Khristantem reshikangshiba lir, ta asenoki (Parliament) shitettsüla," ta metetdaksü.

Yaküm December 23 nungi December 26 tashi nung Fulani teloki Khristantem aika tepsetbaji kiralongra mapa lir, ta Plateau State Governor Caleb Mutfwang-i sangdongba sülen United Nations High Commissioner for Human Rights, Volker Turk-i iba tatalokba bushisüngdangtsü tuyua liasü.

AO OSHI ANGAZÜKDAK: TANÜ ANGAZÜKTSÜBA OJANG



Shitsü

(n) Shingo tapu ka, nisung mesükba arem shiruru (monkey)

* Shitsüi alu nung chiyongtsü chitsür.

Shitsük

(n) danü mesükba arem shiruru (wild cat)

* Shitsüki an pua achir.

OLONG PAITEP # 6696

16x16 crossword puzzle grid with numbers 1-16 indicating starting positions.

TIPIEN

- 2. Auonungchiyongtsüasenba
5. Mangyimba mapang
7. O tamendakdak
8. Peidäk malangba
10. Juli
12. Sen ayudak
14. Tenük agi ajitet
15. Tamajung aküm
16. Apuso

LANGTSÜNGLEN

- 1. Lenmang
2. Aor kidong ka tenüing
3. Tenarong maten
4. A___g
6. Mopung apodoka
9. Tongtipang tagitsü
10. Menungra bilem
11. Aiür
13. S___k
14. T___r

OLONG PAITEP # 6695 TELANGZÜBA

TIPIEN :

- 1. Yiar, 3. Tesola, 7. Yimra,
8. Tangar, 9. Peria, 10. Tanur,
11. Tasen, 13. Lemjem,
15. Tambu, 16. Khuret,
17. Sang.

LANGTSÜNGLEN :

- 1. Yimti, 2. Amen, 4. Shiner,
5. Alaka, 6. Satan, 9. Putet,
10. Tembar, 11. Tatok,
12. Amang, 14. Jala.

NAI-A YA METETTER MA



February 10, 2024 nü Indonesia kübok Bandung, West Java nung football asayar ka tasayadak nung tsüngi agi aiset. Siliwangi Stadium nung friendly match ka asayadang Subang nungi Septain Raharja ta ser asayar ka tsüngi agi ai aser pa mozü kidangi anir ao saka idakji süadok.

Iba lendong ya February 10, 2024 nikongdang 4:20 ako (par mapang) nung 2 FLO FC Bandung aser FBI Subang tsüngda friendly football match asayadang atalok.



February 12, 2024 nü Union Minister of Law and Justice (I/C) Arjun Ram Meghwal-i Aizawl nung Rozgar Mela lapoktsüba angur. Iba sentong ya Gajraj Hall, 2 AR Lakhimpur Battalion, Aizawl nung ayonga agi aser India kübok state 47 den külemi Assam Rifles Lakhimpur Battalion-i Rozgar Fair ayongzükdang Mizoram nungi nisung 18 nem Department of Post, Ministry of Communication kübok Branch Post Master aser Assistant Branch Post Master indang appointment letters agütsü.

Red Army-i tetsürtem dak tashiyim inyakertem merenshitsu

Imphal, February 12, 2024

(Agencies): Tetsürtem dak tashiyim mapa inyakertem Red Army-i merenshitsu ta Kangleipak Communist Party (KCP)-i metetdaksüogo.

Bishnupur district kübok asür N Sanatomba'er jabaso Nameirakpam Ranjit (29)-i tetsür ka dak tashiyim mapa inyakba atema tapet temerenshi agütsütsü ta ozüngi noktanga aliba KCP indang Red Army-i video

message ka nung ashi.

N Ranjit-i iba mapa inyakba nangzükogo aser ibaji January 16, 2024 aonung 11:30 ako meta Kakching district nung pai arishi küm 24 tain tetsür ka dak tashiyim agi shi nung medemba lir ta Red Army-i ashi.

N Ranjit aser par kibong Kakching nung para ki ka nung alir aser pai par kidanger tetsür ka dak iba mapa inyak. Tetsürtem dak tashiyim mapa

inyakertem merenshitsu ta Red Army-isa metetdaksü.

Manipur nung KCP ya April 13, 1980 nü tentet aser parnoki India sorkar den prangpong amer rarayonga arur.

Iba telok ya Manipur indang alemi tenüing Kangleipak jaloka aja. KCP ya Coordination Committee (CorCom) nung züingsema lir. CorCom ya telungpur telokm 6 lokteper tentetba lir.

Assam Higher Secondary examination question paper temai adok

Kokrajhar, February 12, 2024

(Agencies): Kokrajhar nung Higher Secondary Examination question papers temai adokba osang ka angazükogo.

Tatidang tenzüksü ghonda tesadang ka lia mobile phones nung question papers angu ta osang ajanga ashi. Iba dak sendakba nung nisung ka puogo ta ketdangsürtemi ashi.

Assam Higher Secondary Education Council (AHSEC) question papers temai adokba

osang aser nisung ka apuba osang tejangja mali saka iba ajanga security maparen akangshitsu sayur.

Assam cabinet-i February 5 nü Budget Session mezüing anogo nung 'Examination Bill' benok.

Iba Bill nung tatidang mapang ajizükertem küm 3 tepuokdak den Rs 1 lakh tema sencha achitsü lateta lir. Examination papers temai adokba atema Rs 10 lakh nungi Rs 10 crore senchi den

küm 10 tashi tepuokdak ayutsü bill nungsa shia lir.

Tatidang nung tim masü inyakba azüoktsü atema state sorkari bill tasen benok.

Taoba academic year nung question papers tim mesüi alemba ajanga High School Leaving Certificate (HSLC) tatidang agütsüba kaketshirtemi timtem ajurua liasü. Iba atema sorkari süoki ia bilemer aser temelaba melii question papers amshitsu makok.

Mizoram CM Lalduhoma-i Feb 27 nü budget benoktsü

Aizawl, February 12, 2024

(Agencies): Mizoram Chief Minister Lalduhoma-i Zoram People's Movement (ZPM) sorkar tasen indang mezüingbuba Budget February 27 nü benoktsü.


"Business Advisory Committee (BAC)-i taoba hopta

sentong renemogo aser March 13 tashi budget session agitsü lemtet" ta Assembly commissioner and secretary Vanlalthantlingi-i ashi.

Chief Minister Lalduhoma-i February 27, 2024 nü Financial Year 2024-25 indang

annual budget aser 2023-24 financial year indang supplementary demand benoktsü, ta pai ashi.

Mezüing anogo nung Governor Hari Babu Kambhampati-i onük jembitsü ta Vanlalthantlingi-isa shisem.



February 11, 2024 nü Imphal International Airport nung Customs Division, Imphal-i nisung ana ket nungi Rs 1.99 crore tema alang hon puogo. Tena rongnung nisung kabo IndiGo Airlines indang coach driver lir aser tena ket nung gold biscuits 19 bena lia apu. Osang tejangja ka angazükba sülen Customs Division, Imphal ketdangsürtem departure terminal-i ao. Idangji IndiGo Airlines indang security staff-i passenger ka aser IndiGo Airlines coach driver ka apu ta Deputy Commissioner Rajivkumar Yengkhom-i ashi. Tena ya coach driver A Minaketan Sharma (28) aser Maibam Priyobrata Singh (32) na ta jangjaogo. Tena ket nung bena aliba seret 3.155 gold biscuits indang jenjangji Rs 1,99,20,664 liasü.

Houthi teloki US den sendaka aliba rong ka amak

Sana'a, Tsüklai/February 12 (Agencies): Houthi teloki United States meyong rong ka Yemen indang tzyüim nung senza aliba mapang missile amshia makogo.

Iran den sendaka aliba telok yagi Hombarnü ashiba agi, parnoki US indang Star Iris rong, naval missile ishika amshia amak aser rong dak kanga junga khashia liasü.

Houthi telok yagi taoba küm nungi tenzüker ita ishika Temerem tzyüim nung rong aika maka arudar aser iba ajanga Europe aser Asia na tsüingda shishilembadang amshiba lenmang nung tetsükdaktsü tulu adokogo. Parnokisa Israel-i Gaza amakba anentsü atema khangar arudar.

Houthi military otongdar Yahya Saree-i ashiba agi, parnoki amakba rong ya US meyong Greece nung amendaker aliba Star Bulk Carriers Corp-i

amshiba rong ka lir, aser parnoki Palestine nung dak kechi inyakdar iba ya tim masü ta sayutsü aser Gaza nung onok adianutem pusemba teemaitüsü iba rong makogo.

United Kingdom Maritime Trade Operations (UKMTO)-ia iba rong ya Yemen nung al-Makha (Mocha) anüolentiplen 40 nautical miles (74km) shi nungi 00:35 GMT nung missile ana agi maka liasü ta jangashitsüogo.

"Rong nung mena alirtem ajak jungadang lir aser rong ya rongnendak ka bushia odar," ta UKMTO-i ashiba den Yemen tzyüim ajanga senzüba mapang kanga kümdanga senzüsenpongtsü asoshi tekümdangtsü metetdaktsüogo.

Saree-isa, America aser British nati par telok anema jenjang agiba atema telangzüba agüja iba rong ya makogo, ta ashi. Hopta ishika tsüingda US

aser UK nati Houthi puri tzyüim nung rongtem amakba atema Yemen nung Houthi teloki amokbanger aliba tesemtem maka arudar.

Yemen nung tesem balala makaka iba ajanga Houthi pur dak kecha mekongshir ama reprangteter. Otongdarisa Gaza nung rara maneni tashi parnoki Temerem tzyüim nung rongtem amaktsü tebilemba lir ta shiogo.

US military-i parnok kümzüka alitsü atema tesem balala amakba sülen anogo ana lir tang Houthi puri iba rong makogo. US-i Yemen anasa anena aliba warship aser tayimtsütem amshia Yemen nung tesem balala maka arudar.

US Central Command (CENTCOM)-i Deobarnü ashiba agi, parnoki anogo ka tejakdang unmanned surface vessels ana aser mobile anti-ship cruise missiles asem khazüka yoka liasü.

MULUNGNEN O



ASO: 22/11/1946

ASÜ: 5/02/2024

Onoki teti meima aliba tsürapur asür **M. Talichizung Jamir** (Changtongya) Akümüli wadang temer Kibuba dangi aoba anogo onok mulung zürepba alidang Shirnokisa nübu, rongsen aser shisatsü agi yariogo nenok ajak dang kanga pelar Tsüngremi nenok ajak tali moajangma.

TALISA ITEM NISUNGTEM DANG KANGA PELABA SHISEMER

1. Mr & Mrs. Imnatiba Jamir (Ex MLA)
2. Mr & Mrs. Takumar LKR
3. Mr & Mrs. S.P Francis
4. Mr & Mrs. O.A. Jamir
5. Rev. & Mrs. I. Zulu Jamir
6. Mr & Mrs. Imlisungküm Jamir
7. Temjenla & Shilula
8. Mr & Mrs. Akümdong Pongener
9. Mr & Mrs. Imtisosang
10. Mr & Mrs. Alemwati
11. Mr & Mrs. Mokoksangba
12. Mr. Alemtemjen Jamir
13. Mr. T.Ali Longkumer
14. CTN Senso Dimapur
15. GHS 'B' Changtongya
16. Mr & Mrs. C.Apok Ex. MP/Ex MLA
17. Mr & Mrs. Limakum Jamir

~ Temeim Kinungtsü, Chirur aser Kinungertem

PPP aser PML-N tsüingta PM Office kümsük tepadang abentsü jembir

Islamabad, Tsüklai/February 12 (Agencies): Tashi lemsar yimsü asütsü sentong kübok Pakistan Peoples Party (PPP) aser Pakistan Muslim League-Nawaz (PML-N) tsüingta küm pongu kümsük sadanger inyaktüsü asoshi ato kilonser shimtsü jembir, ta osang kar ajanga ashir.

February 8 nü election agiba sülen Deobarnü telok ana tsüingta mezüingbuba ajurutepa senden amenba mapang kümsük tepadang asoshi ato kilonser shimtsü ya jembir aser ibai Centre aser province tem nung coalition sorkar kumtettsü merangba nung shilem ka lir.

2013 küma kasa power-sharing formula ya PML-N aser National Party (NP) tsüingta yanglua liasü aser party ana nungi chief minister anati küm pongu kümsük ya tepadang kaka inyaka liasü.

Lahore nung aliba Bilawal

House nung Deobarnü senden amendang linük indang yimten tashi aittsü mechi amalitep akatsü telok anaprongi mulungtepa liasü.

Iba senden nung PPP-Parliamentarian President Asif Ali Zardari, PPP Chairman Bilawal-Bhutto Zardari aser PML-N nungi taoba ato kilonser Shehbaz Sharif aden.

Iba senden temer külemi sangdong ka agütsüba nung, senden kanga junga menogo aser linük tejangraba mezüing südaktsütsü asoshi inyaktüsü jembir, ta ashi.

Linük tajungba akumtsü asoshi lungjemer inyaktüsü aser tang yimtenren tebilemetsü asoshi party anaprong nungi lenirtemi shilem agia jembishinüa liasü.

PML-N delegation nungya Azam Nazir Tarar, Ayaz Sadiq, Ahsan Iqbal, Rana Tanvir, Khawaja Saad Rafique, Malik

Ahmad Khan, Marriyum Aurangzeb aser Sheza Fatima nungertem liasü.

Party anaprongi Pakistan ya yimtenren tsütsü tashi mait aliba nungi anitetsü asoshi bendanga agütsür inyaktüsü jembir.

Linük nung timbai party ana dak temulung alemer aser parnok mejashidaktsütsü, ta sangdong ajanga ashi.

Iba senden amenba tejangja meteter kari ashiba agi, PML-N ajanga PPP dang coalition sorkar tentetsü asüingdang.

PML-N lenirtemi PPP dang independent candidates aser MQM-Pakistan den jembitsü ajungshia liasü, ta ashi.

PML-N lenirtemi ato kilonser menden agütsü ahang aser taoba tir Asif Zardari-ia PPP indang Central Executive Committee ajanga ato kilonser menden atema Bilawal shimtetogo ta shia liasü.

(Maneni tapak 8 nung...)



21/04/1980 to 08/02/2024

Molungnen O

Onoki teti meima aliba Asür **Hav. Imkongtiba** (Longmisa) Rtd. Indian Army, 4th Assam Regiment. shirang yipden nung alidang nungi akümüli wadang tempang tashi nung kija, Kibong, Arogo, medemer aser lokti balala shirnokisa ozü asükhu nung nübu, rongsen aser sarasadem agi yaritepogo, nenok ajak dang kanga pelar.

Onoki nenok nem meyipa kecha magütsütetaka nenok temeim mapatem kodanga mamatetsü. Tulusang Tsüngremi nenok taküm moajang ta ozü tamang sarasadem.

~Temeim Kinungtsü, Jabaso aser Kinungertem.

Israel-i Rafah amakdang nisung aika asü, pua alir ana chiok

Jerusalem, Tsüklai/February 12 (Agencies): Israel-i Gaza south tsütsü Rafah yimti nung tayimtsü amshia amakdang nisung aika asü ta health ketdangsurtemi ashir, kong Palestine nung jenti adenshia lir.

Hombarnep anü madokdang amakba nungya asüba osang balala lir.

AFP news agency osang nung nisung 52 asü ta ashir. Reuters ajanga nisung 67 shi asü ta ashir. Osang anaprong ya Gaza nung aliba health ketdangsurtemi ashiba dang lir.

Israel-i tayimtsü amshia amakdang Rafah nung nisung aliba ki 14 aser mosque asem nung kongshi ta Palestine ketdangsurtemi ashir.

Ajisüaka Al Jazeera Arabic ajanga ashiba agi, mosque tem

amakdang nisung 63 asü. Hamas ajanga sangdongba nungbo iba yimti nung nisung 100 dak tema tepsetogo ta ashir.

"Israel-i maneni civilian dak tenük yoker aser rara ya Rafah leni aotsü meranger aser yangji aliba nüburtem dak bomb poklokja parnok tesem balala nung jenshidaktsüner," ta Palestinian Ministry of Foreign Affairs ajanga X nung sangdong ka agüja liasü.

"Parnoki tang tesüsa nisung aika takum samatsüba ajanga linük balalai tekum dangtsü agütsüba aser rara ya Rafah tashi aoba ajanga teraksa tulu bener arutsütsü tsüboa lemsatepba kuli sayur," ta ministry ajangasa ashi.

Israel mitkari Rafah south tsütsü Shaboura district nung kiralongrartem aliba tesem

ishika amak aser tang yangji amakba anenogo ta ashir.

Yasüing Rafah amakdang Hamas-i October 7 nü pua bener aor ana kumzük ta parnokisa sangdong.

Pua alir Fernando Simon Marman aser Louis Har na temang junga lir ta mitkar ketdangsurtemi ashir.

Israel-i Rafah nung ground operation agiba ajanga Gaza nung pua alirtem chioktsü jembishinüba raksatsü, ta Hamas-i tekum dangtsü shia lir.

Ajisüaka Hombarnü Israel Ato Kilonser Benjamin Netanyahu-i maneni amaktsü nangzüka liasü.

"Takok mangu tashi mitkar temi maneni raraba ajanga dang asen nisung pua aliba chioktsü," ta pai sangdong ka nung ashi.

Israel-i asendenshir Gaza

nung tesem balala amaktsü renemer aser ibaji ajanga civilian tem jenti asütsü ta aid agencies temi tsüboa ashiba mapang Rafah ya amaker alitsü.

Palestine nung million 1.4 mesüra Gaza nütsüing yongsük tepadang ka dak tema Israel-i bomb pokloktsüba nungi jenshia Rafah nung adenshia lir.

Israel-i Rafah amakba atema Hamas-i aitsü aser parnoki nisung tali tepsettsü mangdang aliba ataloker ta ashi.

"Taonung Nazi occupation army temi Rafah yimti amakba nung tang tashinung nisung noklang ka dak tema linük asoshi takum bendanga agütsüogo aser ibai parnoki kin ajunga samatsütsü meranga raraba tali ulushia akumba ama züingshir aser asen Palestine nung tali pei ki yutsür tesem

balala nung prokshidaktsütsü meranger," ta iba telok yagi sangdong ka nung ashi.

October 7, 2023 nungi tenzüka Israel-i Gaza amakdang Palestine nung 28,340 tepsetogo aser 67,984 yiruogo, ta Gaza indang Health Ministry ajanga Hombarnü ashi.

Tesüiba ghonda 24 tsüingta Israel sepaitemi Gaza nung nisung 164 tepset aser 200 yirutsü, ta ministry ajanga Telegram nung sangdong ka agüja liasü.

Deobarnü United States Tir Joe Biden-i Israel Ato Kilonser Benjamin Netanyahu dang Rafah yimti nung jenoka aliba nüburtem kumzüka ayutsü sentong tejangja meyanglui mamaktsüla, ta tekum dangtsü shia liasü.

(Maneni tapak 8 nung...)

Kohima nung Khelo India University Games wrestling asaya asayatsü



February 12 nü NOPG 2024 tebur football asaya quarter finals masaya tsüngda All India Football Federation Tir Kalyan Chaubey, den Kohima aser Chümoukedima team nungi asayartem, NOPG 2024 aser Nagaland Football Association züngsemtem tangokba noksa nung angur.

Dimapur, Tsüklai/February 12 (TYO): Khelo India University Games nung shilem ka ama Nagaland-i co-host süa February 22 nungi 26 tashi IG Stadium, Kohima nung wrestling asaya asayatsü.

4buba Khelo India University Games ya Assam nung ayongzüka asayatsü,

ajisüaka North East state balala nung asaya balala ayongzüka asayatsü aser Nagaland nung wrestling asayatsü lemezüksüogo.

Linük kübok university balala nungi asayar 240 aser Sports Authority of India (SAI), All India University (AIU) aser National Sports Federation nungi

ketdangsür 74-i asaya balala achaayangba den technical support agüja shilem agitsü.

Khelo India University Games ya national-level multidisciplinary sports event ka lir, koba India nung university kaketshirtem yongtsü nung asaya aser fitness ajungketsü nükjidong nung tenzüka lir.

Marathon World record bena alisang Kelvin Kiptum süogo

Tsüklai/February 12, 2024 (Agencies): Marathon asaya nung world record bena alisang Kelvin Kiptum, Deobar aonung gari tsükokba lendong ka nung densema süogo. Pa arishi küm 24 liasü.

Osang ajanga ashiba agi, Kiptum-i gari ya ania liasü aser pa den coach aser tangar ka Kenya anüolen Kaptaget nungi Eldoret-i oya aliba mapang pai gari maziüokteti tsükokba liasü. Kiptum aser Hakizimana na gari tsükokba tesem nung süatok aser tanga passenger ya yirua liasü.

"Gari ya aonung 11 ako shi nung tsükokba liasü. Gari nung nisung asem mener liasü aser anabo gari tsükokba tesem nung süatok aser ka mozükidangi anir ao. Asür ana ya Kiptum aser pa indang coach liasü," ta Kenya anüolen Elgeyo Marakwet County indang police commander Peter Mulinge-i osangbenertem dang ashi.

"Eldoret aoba mapang gari ya Kiptum-i ania liasü aser pai gari maziüokteti tsükokba aser iba tesem nungsa tena süatok. Tena den tetsür passenger ka

menaliba ya yiru aser la mozükidangi aritepa anir ao," ta pai shisem.

World Athletics Tir Sebastian Coe-i ashiba agi, "iba takoksa osang angazüka aoksar aser temulung koremer."

"World Athletics tenung nung onoki parnok kinunger, medemer, teammate aser Kenya nungertem den asükhulemsateper," ta Coe-i ashi.

"Asayar tajung kati tenung tajung toktsürogo; onoki pa kanga menungratsü," ta pai shisem.

Taoba küm October ita Kiptum-i Chicago Marathon nung alizüng 2:00:35 nung tongteta otsü tasen ka yanglu. Pai taoba mapang külem Kenya nung Eliud Kipchoge-i otsü tasen yanglur aliba second 34 agi ajateta liasü.

Kiptum densema Chicago yimtung nung asemben tashi tebur world record yanglushia liasü.

Iba mapang Kiptum ya arishi küm 23 dang liasü aser pa tasembuba marathon nungang asemer liasü.

World Athletics-i ashiba agi,

iba sülen Kiptum khen danga masemtep aser pa April ita Rotterdam Marathon nung asemtsü liasü, kong pa ghonda ana tsüngda course asemzüka mezüngbuba asayar akümtsü imla liasü.

Kiptum-i 2022 küm mezüngbuba Valencia nung asemba mapang takok angu aser taoba küm April ita Longon Marathon nunga takok nguogo.

Hakizimana shiba Rawanda nungi lir pa asemteper ka lir, shiba Kenya nung küm aika training agia liasü pai Chepkorio nung Kiptum ajurua liasü.

Küm ter tejakdang Kiptum ya sannüker ka liasü aser Hakizimana o tanga asemteper tem training agiba mapang parnok sülen anidaka liasü.

2019 küm tashi nungbo Kiptum-i hopta ana nung half marathon ana asem. Pai Copenhagen nung alizüng 60:48 nung atong aser Belfort, France nung alizüng 59:53 nung tonga liasü. Iba sülen pa Hakizimana den training agi tenzüka, shiba Covid-19 wara poktetba ajanga Kenya toktsür moi liasü.

National Masters Games nung Naga nunger asayartemi takok tajung angu



Dimapur, Tsüklai/February 12 (TYO): Goa nung asayaba National Masters Games nung Nagaland nungi asayar Burakum Ao aser Vikepelhou Dzuovichü nati tarep asaya kokogo.

Kasa mapang nung Burakum Ao-i 40+ kija asaya nung gold medal angu aser paisa Open category nung silver medal ngua liasü.

CM Rio-i Nagaland Olympics & Para Olympics lapoktsüogo

Dimapur, Tsüklai/February 12 (TYO): Hombarnü Nagaland Cricket Ground, Sovima nung Nagaland Chief Minister Neiphiu Rio-i Nagaland Olympics & Para Olympics tenzüksüogo.

Asayamung lapokba sentong nung o jembiba mapang Rio-i, state sorkari lenla ajak nung temaba jenjang atongtsü atema inyaktsü nükjidong aliba sangdongogo aser iba atema tajungtibaji saisapong lit ta ashi.

Paisa, Nagaland nung saisapong kanga renloka odar ta ashiba den sorkari infrastructure, asaya terenlok aser temaba jenjang nung medal angutsü atema scientific sports eco-system ka yangertsü asoshi rangloker inyakdar, ta ashi.

Nagaland nungi asayartemi national aser International jenjang nung medal ngudar aser lanurtemi linük nemadangdaksüba atema state kanga pelar. Sorkari maneni

asayartem nem multi dollar sports industry nung maongka alibatem agidaktsütsü atema jenjang ajak nung saisapong ajungketsü merangtsü, ta CM-i ashi.

Paisa, nüburtem dang lanurtemi aser asayartem nongita yaritsü ajungshi, kechiyong parnok ya alima kintem dangi asenok ambassador tem lir, ta ashi.

Kasa mapang nung Nagaland nung taruba North East Olympics ayongzüka asayatsü, kong state 8 pronglai shilem agitsü imlar, ta Rio-i metetdaksü. Iba dak sendakba nung pai asayartem dang pei khuret angatetsü mepeshi, kechiyong Nagaland nungi team tem iba asayamung matong tsüngda training agitsü ta ashi.

Taküm Nagaland Olympics nung district 16 nungi asayar 4000 dak temai shilem agitsü, koba Dimapur aser Chumukedima district nung asayaba tesem 15 nung asayatsü.

INDIA OSANG : Tapak 3 nungi...

Qatar nung Indian navy 8 chiok...

Kwatra-i, Ato kilonseri tang agi tanabenbuba Qatar semdangtsü; mezüng pai 2026 küm June ita nung Qatar semdang liasü, ta metetdaksü.

"Testüiba küm ishika tsüngda India aser Qatar na nungi tongti lenirtem aiben ajurua senden amener. 2022 küm November ita nung linük tatong Tir Jagdeep Dhankhar-i Doha semdanga

liasü aser 2022 kümsa June ita nung taoba mapang linük tatong Tir Venkaiah Naidu-ia Doha semdang. Tesüiba küm 3-4 tsüngda External Affairs Minister, S Jaishankar-ibo Qatar aiben semdangogo," ta Foreign Secretary-i metetdaksü.

Tang Qatar aser India na tsüngda shishilembabaji dollar sen billion 20 shi lir.

BENDANGLI OSANG : Tapak 7 nungi...

PPP aser PML-N tsüngta PM Office kümsük...

Iba sülen küm pongu kümsük sadanger party ana nungi ato kilonser inyaktsü asoshi parnoki lenmang bushitepa liasü, ta osang ajanga ashi.

Party tulutemi Centre, Punjab aser Balochistan nung coalition governments kumtettsü mulungtepogo ta parnoki ashi.

Iba senden ya mamendang PML-N aser MQM-P lenirtem ajurutepa sorkar kumtetba nung yariteptsü jembia liasü.

Iba senden nung PML-N telok ya Nawaz Sharif-i anir liasü aser MQM-P ya Dr Khalid Maqbool Siddiqui-i anir amen.

PMLN delegation nungya Shehbaz Sharif, Maryam Nawaz, Ishaq Dar, Ahsan Iqbal, Rana Sanaullah, Ayaz Sadiq, Khawaja Saad Rafique, Marriyum Aurangzeb aser Rana Mashhood nungertem liasü aser MQM delegation nungya Sindh Governor Kamran Tessori, Dr. Farooq Sattar aser Mustafa Kamal nungertem liasü.

Israel-i Rafah amakdang...

Netanyahu-i Rafah nung aliba Palestine nung kumzüka ayutsü nangzüka, saka parnok anizüker aotsü sentong tejanga mesayuba mechi parnok ya Egypt indang Sinai Peninsula leni yoktsü ta tsübova Cairo den mangatettep adok.

Rafah north tsütsü takdang peria lir aser ilen jagi parnok yoktsü, ta Gaza koloni yokjar tejanga sentong mesayui Netanyahu-i Deobarnü shia liasü.

Deobar aonung nungi

tenzüka Israel sepaitemi occupied West Bank aser East Jerusalem nung Palestine nung 35 shi pua lir aser item rongnung yirur aliba tanur ka aser taoba mapang tepuokdak alir ka densema lir ta advocacy group kati ashi.

Parnok ya timba Hebron yimti nung apu, aser kar Nablus, Ramallah, Jenin aser Qalqilya yimitem aser East Jerusalem nung apu, ta Palestinian Prisoner's Society ajanga Telegram nung ashi.

BILEMDANGANG
"Auer aputsü atema auersa ka yokang"